

渾源州續志卷二

星野

祥異

學校一

文廟

御製像贊

御頒匾額

崇聖祠增祀

兩廡增祀

渾源州續志

卷二

目錄

一

欽命部頒明倫堂臥碑

欽頒訓飭士子文

續修學署

附書院

鄉飲酒禮

學校二

孝義

渾源州續志

調署渾源州知州豫章賀澍恩纂修

星野

史記天官書

昴畢冀州

漢書天文志

昴畢冀州

晉書天文志

州郡躔次昴畢趙冀州 陳卓范蠡鬼谷先生張良

渾源州續志

卷二

星野

一

諸葛亮譙周京房張衡並云

唐書天文志

山河兩戒說云由全趙之地北逾眾山盡代郡雁門

雲中定襄地與北紀之東陽爲畢分循北河之表西

盡塞垣爲昴分

疆域上應分野星以地殊晉處參墟屬今太原汾澤

平陽及忻代平定保德岢嵐等處他屬則或兼參觜

或界井參惟大同及應朔渾源諸州正於經度值昴

畢

國朝定鼎中外歸版圖幅員之廣互極前古尤參以西法
推測天象益致廣大盡精微載考乾隆四年

勅修明史告成辨析分野綦詳且盡自當奉爲準的蓋歷
代成法皆不逮我

朝什二三固無煩旁搜遠引轉滋疑議董子云善言天者
必有驗於人非精求象緯印證無差臆見揣測徒恣
辯博安憑取信誠史遷所云與耳食無異者舊志所
引諸說參錯互見究未衷歸一是如所云昴畢同宮
昴主塞外則當專占畢參爲晉星趙本晉地則又當
渾源州續志

卷二

星野

二

兼占參持論兩歧自相牴牾茲謹依明史較定并參
以史記天官書及漢晉各天文志及唐一行所定兩
戒疆域則恒山之獨占畢昴誠不可易之論矣

祥異

天事恒象洪範詳占省保章辨封域尙已後世妖祥所感水旱豐荒於是焉應之膺民社者思弭災患於未萌恐懼修省職無大小一也可不慎哉續祥異

乾隆三十八年三十九年四十年俱大熟五十二年大饑五十三年春疫秋大熟

嘉慶六年六月大雨十餘日城鄉民房俱有坍塌南峪口石壩決城西北街西關木市等處民房及店戶多淹沒

渾源州續志

卷二

祥異

三

道光十二年秋隕霜殺穀大饑十三年春大疫秋熟十六年六月蝗入境傷稼大饑

咸豐十年二月大雪連綿四十餘日

同治元年秋大疫死者多人螟蟲傷稼七月十五夜星隕如雨六年五月大旱夏至後始雨秋熟十年七月大雨七日傷稼民間房屋俱有坍塌

光緒三年夏旱秋歉收粟騰貴本地捐輸賑濟設廠放粥並因關南大浸捐米一千石有奇解赴省局助賑光緒五年五月地震三次

渾源州續志

調署渾源州知州豫章賀澍恩纂修

學校

學校自

國朝乾隆癸未以前經前桂牧敬順重加修輯其紀述
詳矣茲踵續前書起乾隆甲申洎今光緒庚辰其間
有典制增益及續加整葺者皆謹次先後序列於篇
俾纂錄者資考訂焉續學校

文廟

渾源州續志

卷二

學校

一

聖祖仁皇帝御製

至聖先師孔子贊并序

康熙二十五年

蓋自三才建而天地不居其功一中傳而聖人代宣其
蘊有行道之聖得位以綏猷有明道之聖立言以垂憲
此正學所以常明人心所以不泯也粵稽往緒仰溯前
徽堯舜禹湯文武達而在上兼君師之寄行道之聖人
也孔子不得位窮而在下秉刪述之權明道之聖人也
行道者勳業炳於一朝明道者教思周於百世堯舜文
武之後不有孔子則學術紛淆仁義湮塞斯道之失傳

也久矣後之人而欲探二帝三王之心法以爲治國平
天下之準其奚所取衷焉然則孔子之爲萬古一人也
審矣朕巡省東國謁祀闕里景企滋深敬摛筆而爲之
贊

清濁有氣剛柔有質聖人參之人極以立行著習察舍
道莫由惟皇建極惟后綏猷作君作師垂統萬古曰惟
堯舜禹湯文武五百餘載至聖挺生聲金振玉集厥大
成序書刪詩定禮正樂旣窮象繫亦嚴筆削上紹往緒
下示來型道不終晦秩然大經百家紛紜殊途異趣曰

渾源州續志

卷二

學校

一一

月無踰羹牆可晤孔子之道惟中與庸此心此理千載
所同孔子之德仁義中正秉彝之好根本天性庶幾夙
夜勗哉令圖溯源洙泗景躅唐虞載厯庭除式觀禮器
摛毫仰贊心焉遐企百世而上以聖爲歸百世而下以
聖爲師非師夫子惟師於道統天御世惟道爲寶泰山
巖巖東悔泱泱牆高萬仞夫子之堂孰窺其藩孰窺其
徑道不遠人克念作聖

聖祖仁皇帝御製四賢贊

康熙二十八年

顏子贊

聖道早聞天資獨粹約禮博文不遷不貳一善服膺萬
德來萃能化而齊其樂一致禮樂四代治法兼備用行
舍藏王佐之器

曾子贊

洙泗之傳魯以得之一貫曰唯聖學在茲明德新民止
善爲期格致誠正均平以推至德要道百行所基纂承
統緒修明訓辭

子思贊

於穆天命道之大原靜養動察庸德庸言以育萬物以

渾源州續志

卷二

學校

三

贊乾坤九經三重大法是存篤恭慎獨成德之門卷之
藏密擴之無垠

孟子贊

哲人既萎楊墨昌熾子輿闢之曰仁曰義善性獨闡知
言養氣道稱堯舜學屏功利煌煌七篇並垂六藝孔學
攸傳禹功作配

高宗純皇帝御製四賢贊并序

乾隆十有三年

聖門弟子三千其賢者七十有二人史記家語各爲記
其姓氏考其事迹以垂之後世而能契夫子之心傳得

道統之正脈者則惟顏曾思孟四人顏子得克己復禮之說曾子與聞一貫之傳親炙一堂若堯舜禹之相授受實乎尚矣子思師事曾子發明中庸之道而歸其功於爲己謹獨孟子當戰國橫流之時私淑子思距楊墨閑聖道而養氣之論爲前聖所未發昌黎韓子以爲其功不在禹下有以也庚戌秋偶閱有宋諸儒傳因思宋儒所宗者孔子之道賴顏曾思孟而傳今聖廟祀典四子升配堂上爲百代之楷模因各係以贊用志景行之私云爾

渾源州續志

卷二

學校

四

復聖贊曰貧也者吾不知其所惡壽也者吾不知其所慕德以潤身孰謂其貧心以傳道孰謂難老筆瓢陋巷至樂不移仰高鑽堅三月無違夫子有言克己成性用致其功允成復聖

宗聖贊曰宣聖轍環在陳興歎孰是中行授茲一貫曾子孜孜惟聖依歸唯而不疑以魯得之會友輔仁任重道遠十傳釋經超商軼偃念彼先子沂水春風淵源益粹篤實春容臨深履薄得正以終三千雖多獨得其宗述聖贊曰天地儲精川嶽萃靈是生仲尼玉振金聲世

德作求孝孫維則師曾傳孟誠身是力眷茲後學示我
中庸位天育物致和致中夫子道法堯舜文武紹乃家
聲述乃文祖

亞聖贊曰戰國春秋又異其世陷溺人心豈惟功利時
君爭雄處士橫議爲我兼愛鼓簧樹幟魯連高風陳仲
廉士所謂英賢不過若是於此有人入孝出悌一髮千
鈞道脈永繫能不動心知言養氣治世之畧堯舜仁義
愛君澤民惓惓餘意欲入孔門非孟何自孟丁其難顏
丁其易語默故殊道無二致卓哉亞聖功在天地

渾源州續志

卷二

學校

五

乾隆三年

御書與天地參匾額頒行各學

嘉慶五年

御書聖集大成匾額頒行各學

道光元年

御書聖協時中匾額頒行各學

咸豐元年

御書德齊幃載匾額頒行各學

同治二年

御書聖神天縱匾額頒行各學

光緒六年

御書斯文在茲匾額頒行各學

以上並恭懸
文廟大成殿

國朝

崇聖祠增祀先賢

孔氏伯尼咸豐七年配享

東廡先賢

公孫子諱僑字子產鄭大夫咸豐七年從祀

西廡先賢

渾源州續志

卷二

學校

六

公明子諱儀魯武城人咸豐三年從祀

秦子諱冉字開雍正三年復從祀

東廡先儒

明

歐陽子諱修字永叔宋廬陵人明嘉靖九年從祀

國朝

劉子諱宗周明浙江山陰縣人道光二年從祀

陸子諱贄字敬輿唐蘇州嘉興人道光六年從祀

孫子諱奇逢直隸容城人道光八年從祀

文子諱天祥宋江西廬陵人道光二十四年從祀

謝子諱良佐宋河南上蔡縣人道光二十九年從祀

李子諱綱宋邵武人咸豐元年從祀

方子諱孝孺明甯海人同治二年從祀

呂子諱柟字仲木陝西高陵人同治二年從祀

毛子諱亨同治二年從祀

許子諱慎字叔重漢汝南召陵人光緒二年從祀

張子諱伯行光緒四年從祀

西廡先儒

渾源州續志

卷二

學校

七

國朝

吳子諱澄字幼清宋末臨川人乾隆二年從祀

湯子諱斌河南睢州人道光三年從祀

黃子諱道周字幼平明福建漳浦人道光五年從祀

呂子諱坤字叔簡明河南甯陵人道光六年從祀

韓子諱琦宋安陽人咸豐二年從祀

陸子諱秀夫宋末人咸豐九年從祀

曹子諱端明澠池人咸豐十年從祀

袁子諱燮宋慶元鄞邑人同治五年從祀

張子諱履祥字考夫明浙江嘉興府桐鄉縣人同治十一年從祀

陸子諱世儀江蘇太倉州人光緒元年從祀

輔子諱廣字漢卿號潛庵光緒六年從祀

順治九年

欽命禮部頒臥碑於學宮明倫堂

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供

渾源州續志

卷二

學校

八

朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有非爲者子既讀書明理當再三懇告使父母不陷於危亡

一生員立志當學爲忠臣清官書史所載忠清事蹟務須互相講究利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行

害人之事者往往自殺其身常宜思省

一生員不可干求官長結交勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切己之事止許家人代告不許干與他人詞訟他人亦不許牽連生員作證

一爲學當尊敬先生若講說皆須誠心聽受如有未明從容再問毋妄行辨難爲師長者亦當盡心教訓勿致怠惰

渾源州續志

卷二

學校

九

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

康熙四十一年

欽頒訓飭士子文

國家建立學校原以興行教化作育人才典至渥也朕臨御以來隆重師儒加意庠序近復愼簡學使釐剔弊端務期風教修明賢才蔚起庶幾棫樸作人之意乃比

年士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功源委有敘爾諸生幼聞庭訓長列宮牆朝夕誦讀甯無講究必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化驕盈之氣文章歸於醇雅母事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑行己多愆或蜚語流言脅

制官長或隱糧包訟出入公門或唆撥姦猾欺孤凌弱或招呼朋類結社邀盟乃如之人名教不容鄉黨弗齒縱倖脫褫扑濫竊章縫返之於衷甯無愧乎况夫鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正若茲厥初拜獻便已作奸犯科則異時敗檢踰閑何所不至又安望其秉公持正爲國家宣猷樹績膺後先疏附之選

哉朕用嘉惠爾等故不禁反覆惓惓茲訓言頒到爾等
務共體朕心恪遵明訓一切痛加改省爭自濯磨積行
勤學以圖上進國家三年登造束帛弓旌不特爾身有
榮卽爾祖父亦增光寵矣逢時得志甯俟他求哉若仍
視爲具文玩愒勿傲毀方躍冶暴棄自甘是爾等冥頑
無知終不能率教也旣負栽培復干咎戾王章具在朕
亦不能爲爾等寬矣自茲以往內而國學外而直省鄉
校凡學臣師長皆有司鐸之責者並宜傳集諸生多方
董勸以副朕懷否則職業弗修咎亦難逭勿謂朕言之
不預也爾多士尙敬聽之

乾隆五年

欽頒訓飭士子文

士爲四民之首而太學者教化所先四方於是觀型焉
比者聚生徒而教育之董以師儒舉古人之成法規條
亦旣詳備矣獨是科名聲利之習深入人心積重難返
士子所爲汲汲皇皇者惟是之求而未嘗有志於聖賢
之道不知國家以經義取士使多士由聖賢之言體聖
賢之心正欲使之爲聖賢之徒而豈沾沾焉文義之末

哉朱子同安縣諭學者云學以爲己今之世父所以詔其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡可以得志於科舉斯已爾所以孜孜焉愛日不倦以至於死而後己者果何爲而然哉今之士惟不知此以爲苟足以應有司之求矣則無事於汲汲爲也是以志於惰遊而不知反終身不能有志於學而君子以爲非士之罪也使教素明於上而學素講於下則士固將有以用其力而豈有不勉之患哉諸君苟能致思於科舉之外

而知古人之所以爲學則將有欲罷不能者矣觀朱子此言洵古今通患夫爲己二字乃入聖之門知爲己則所讀之書一一有益於身心而日用事物之間存養省察闇然自修世俗之紛華靡麗無足動念何患詞章聲譽之能奪志哉况卽爲科舉亦無礙於聖賢之學朱子云非是科舉累人人累科舉若高見遠識之士讀聖賢之書據吾所見爲文以應之得失置之度外雖日日應舉亦不累也居今之世雖孔子復生亦不免應舉然豈能累孔子也朱子此言卽是科舉中爲己之學誠能爲

己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無裨實用浮僞與時文等耳故學者莫先於辨志志於爲己者聖賢之徒也志於科名者世俗之陋也國家養育人才將用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而學者知所以學

續修

渾源州續志

卷二

學校

十三

乾隆五十七年移建

名宦祠在戟門左

鄉賢祠在戟門右

大成坊在雲路街前

祭器庫樂器庫在戟門左右

文武官廳在櫺星門內左右

學正宅在明倫堂東

訓導宅在明倫堂西

附書院

恒麓書院乾隆四十四年移建東門外有碑記見藝文養正書塾乾隆五十八年建地係書院舊址有碑記見藝文

鄉飲酒禮

鄉飲酒之設義主尊長養老擇鄉有德行高年賓諸庠序士民悉於是觀禮易俗移風莫切於此後世興廢無常多循其名而失其實戴記所謂鄉飲禮廢則長幼之序失而爭鬪之獄繁誠有慨乎其言之我

國家章明軌物歲以仲春及十月飭各舉行典禮承流

宣化責在有司敢不愼歟續鄉飲

按前志引舊說謂鄉飲禮有四竊考宋史儀制無鄉大夫飲國中賢者文蓋以鄉大夫大比賓興州長習射黨正蜡祭卽莫非飲國中賢者故不另列其說良是足正舊註之失至所引漢百官表鄉設三老謂有古飲國中賢者遺意按鄉三老秦所置官其秩百石主司教化秦以暴戾取天下至於燔書坑儒豈復能敦循古禮三老亦總攝鄉事之名其爲教化尤概可知漢初草創制仍秦舊鄉三老

既有職秩卽未必盡在飲賓之列再東漢建武時
司徒伏湛守平原請行鄉飲酒禮知其禮亦時舉
時廢魏晉以後尤儀制無存唐興始復舊典第所
志禮節繁縟宋慶元中文公朱子以儀禮正定始
合古制故當時及後代學者悉遵用之明代特加
推行飭民間里社徧行尤足備鄉人飲酒禮文之
闕因舊志義有未盡附此存叅

鄉飲大賓

李文煥 郭連 王元 余變

渾源州續志

卷二

學校

十五

郭士昇 張明珠 李明泰 張鐸

陳寶 侯贊龍 張世榮

介賓

常輔世 牛映斗 李廷楷 李世亨

文廷瑞 葛貴香 石岳培 王國治

李鳳棲 程化周 耿忠良 牛生麟

耿雲章 薄榮桂 麻敦化 李春光

高上達 郭兆亨 郭毓彩 郭崇

耆賓

左宗聖 王匡世 馬長麟 馮錦

侯順 侯贊育 郭毓杞 張滿庫

侯鳳鳴 郭自裕 張賢 劉承琮

郭興成 文光 楊忠 黃步蟾

李成祥 李先元 趙錫曾 王治世

薛俊 王正通 劉培基 王正氣

麻岐山 杜寬 高奉堂 王世寶

麻高福 王國安 麻世通 王者仁

李光文 王政 麻居敬 劉元善

渾源州續志

卷二

學校

十六

李馭世 劉承漢 王有惠

渾源州續志

調署渾源州知州豫章賀澍恩纂修

孝義

自古化民成俗六德興行莫先於孝蓋天地之性人爲貴人自孩提卅角無不知愛敬其親然往往有學士大夫不若顓愚之爲摯者則不學不慮之良動於其所不容己也余嘗讀史至紀述孝行輒流連慨慕茲觀前志所輯尤低徊焉因旁搜博訪恐幽潛未盡闡揚無以爲風俗勸雖一節可採必謹而書之此外

渾源州續志

卷二

孝義

一

以友恭著及以義概彰并論次其本末以類相附事求徵實不敢苟同期於傳後云爾續孝義

孫善守歲貢生性純孝親年耄備致藥餌豫防親疾疾則默禱神祇求代中幫廁牖皆躬自澣洒尤善以恢諸博親歡終身奉養維謹時人比之斑衣老萊其生平多著述另有紀略詳文苑中

李貴吾上韓村人幼失恃事繼母如所生曲殫孝愛母年衰出入扶持未嘗一日離左右凡所欲食必竭力以致有古懷橘拾椹風病則奉湯藥尤謹滌

器不敢避穢母愉焉族黨皆稱其孝子二攀月肇
恩俱遊庠孫五次孫增祥同治甲子科登賢書光
緒庚辰大挑一等以知縣用人以爲孝行之報云
孫景星本郡庠生花集疇村人性樸厚幼失怙恃哀
戚過人事祖母篤孝養祖母病癱不能行負持維
謹及歿愴痛感戚友道光十二年郡大荒出粟百
餘石護全村人十六年復大荒悉所有存糧按村
人多寡分給十日一週尤以蔴粃草麩等和濟不
足眾感悅及卒村人數百爲樹好義碑公舉孝義

白瑗英張家莊人監生性孝友事親必朝夕承歡失
怙後恭兄如祇父常出就外傳每歸省兄命之坐
然後坐食亦然後事孀母心尤曲盡比長兄任以
家事治皆有法事無巨細必稟命乃行四十年如
一日戚里舉悌弟

王國興性質直母病祈天求代病旋愈傭工他鄉夜
必歸省兄早喪事孀嫂如母撫姪輩婚嫁不失時
鄉人賢之

程步瀛廩貢生幼失怙恃性和厚惟叔父是依叔疾

藥必親嘗卒葬祭如禮道光十二年歲大饑竭力輸粟以助賑十六年蝗入境輸粟四十石捐錢二百餘緡一鄉被其惠至今稱頌不絕

田望雲海村人郡庠生因父年衰以例貢代經營生業道光壬辰歲大旱村民飢甚出積粟二百餘石計男婦按口分給人賴以安丙申大蝗道殣相望亦賑如前法全活甚眾妻文氏儒家女助任勞弗倦人有欲爲請旌者謝曰歲荒賑饑常分耳何足道有同胞姊二人皆早寡取諸孤養之家俾皆成

渾源州續志

卷二

孝義

三

立子二長旣臧廩生次九疇道光壬辰舉人沁水縣教諭孫男八人望雲享壽七十二卒人以爲積善之報

耿瑄水磨疇村人以子映月湖北千總加守備銜誥封武畧騎尉足不履公門品符鄉譽郡有興作首捐貲以倡里有病不能醫貧無力葬者無不伙助道光十二年歲饑輸粟二百石賑濟鄉閭王密峯公給匾獎勵十六年蝗災尤施粟不少各州人咸稱其義而其人面無德色呐呐然如不出諸其口蓋其

天性肫誠然也子登仕籍孫列膠庠

白有財州之里民性狷介不輕取嘗於村鄉僻徑拾遺金百餘兩訪失者姓字親詣其門以給州人嘉其義共製匾題贈拾金不昧四字懸之郡門

楊永旺顧關村人生有至性幼承祧長門伯父事之如所生父疾醫治無效籲天矢濟人念病旋愈及歿哀戚尤至奉祖父亦然以母守節請旌至再三得請乃愜咸豐四五年歲饑捐粟糧濟村貧戶全活多人光緒三年晉大禋普勸賑輸米四十二石

渾源州續志

卷二

孝義

四

助濟省南本村尤按貧戶給粟米有外來困餓者兼散粟施醫藥費糧及四五百石鄰村永安橋塌行人多陷害爲獨力修復且捐地十八畝備歲修貲鄉里推孝義學使朱公賜篤厚可風匾額旌其善行咸豐十年以捐輸議敘從九光緒四年助賑加敘州同銜州紳民公請表揚

楊永順亦顧關村人由府庠加捐貢生幼能順親母高氏患肺疾奉湯藥不離側未嘗解衣就寢母憐羸瘦諭之退因潛匿戶外夜半母果起搜力微將

墜地趨扶得安歿盡哀父病癱焚香告天誓以濟人求愈疾疾果瘥遂製丸散廣救病者聞人急必力助妹年二十八失夫爲給衣食成其節現請旌表族姊楊氏亦以年二十二孀居並賴全貞其他同族姊妹待舉火甚眾村關聖廟久廢祀事特捐地爲貲皆善行之可紀者

郭全窰村人乾隆五十二年大饑州牧黃公勸賑捐穀一百石贈匾旌之曰克勤助政

李琳小道溝村人附貢生援例授同知現年七十餘

渾源州續志

卷二

孝義

五

素樂善村關義塾子弟貧者胥就學師膳皆己出更設公塋瘞無主骨骸光緒三年大旱米斗千錢捐賑四十石尤擇里黨貧戶差次給麥粟眾賴以安恒麓書院膏火缺捐貲三百緡有奇助膳寒士人多稱其義

常清萊州城入舉孝廉方正其先世以科甲顯嘗隨父任課讀深明大義礪己端恪光緒三年歲大饑捐米五十石以充關南賑需復置贍族地二百六十餘畝錢壹百餘吊分給支屬族中雖遇灾荒得

此賴以保全嘗設立義學置地爲學師膳修諸費
圖貽久遠族黨悉頌揚不置云

李富春州城人監生援例授主事性謹愿樂施與不
蹈驕奢習光緒三年歲大饑捐米五十石以充關
南賑需於本郡東辛莊村施粟三十石護助同村
耕斂之不給者嘗設立義學置地爲學師膳脩諸
費以圖久遠鄉人義之公懇學使朱公賞給義動
鄉閭匾額以表其門

田製錦廩生性慈惠再從弟秀錦衣錦及其二妹俱

渾源州續志

卷二

孝義

六

幼失怙恃嫂苛虐夜半逐門外身無所依製錦夫
婦憐之收養十餘年男婚女配今秀錦兄弟漸致
富焉鄉人皆以爲人所難行

李明泰監生舉飲賓道光十二年歲大饑捐粟濟貧
乏鄉人義之州牧趙公贈惠及桑梓匾額以表其
門

王坦以子武舉濟生貴 誥封武信郎樂善好施憐
貧敬老矜孤恤寡遇鄉中冠婚事力不足者必曲
爲成全 黨推其仁厚

趙國梁石家莊村人好醫同治元年夏六月郡多疫吐瀉作輒致斃親戚懼傳染不敢顧國梁素急難日詣病者家足無停履其法先以鍼開病穴調藥餌令服卽愈鄉中依方服者救活無算尤能接骨拯殘廢多人不乘危牟謝利人尤賢之

田鶴年附貢生舉人九疇長子事父母曲盡孝思待兄弟親愛備至光緒三年歲大饑捐穀以賑鄉人皆賢之

介李世亨學任錫寶道光十二年大饑同議捐穀

渾源州續志

卷二

孝義

七

救鄉里一時好義者如千總任錫恩監生任綱監生郭增祥知印王家寶里民 儒珍鄧永安白霏韓琥自七石至一二石不等統共三十七石有奇各量力所有竭 輸助鄉人感之懸匾於東辛庄之龍神廳分載捐粟數自以彰其 時大饑米貴如珠吝者擁貲觀望升斗之水亦足活涸特採列以勸俗

附壽民

王元西坊城村人壽一百二歲妻左氏壽一百四歲

咸豐二年奏旌蒙 恩賞給建坊銀兩表曰貞壽
之門及七葉衍祥匾額子眷世現年九十七歲家
世以忠厚待人鄉里俱稱爲人瑞

左宗聖凌雲口村人壽九十六歲舉飲賓前州牧鞏
公贈海屋增籌匾額性剛方然諾不苟鄉里以正
人高之

季復祥壽一百四歲同治五年奏旌性好施與親戚
有貧寒者情深推解一鄉皆稱爲善人

李開武壽一百二歲同治五年奏旌雖務農業而好

敦禮讓事高堂以孝稱待兄弟友愛備至鄉里咸
爲矜式云

光緒三年解省助賑捐米芳名

署正衛

程兆椿八十石

李映年七十二石

主事衛

李富春

孝廉方正

常清萊

千總

高鸞

以上各五十石

誥封遊擊

張殿元五十石

查殿元於道光年間亦曾輸積粟數十石以護村人復捐大錢二千

緡以減當息施義地設義學因行有可取併附記之

從九

楊永旺四十二石

貢生

李琳

府知事

邢九如

中書衛

萃陽

從九

張懷德

監生

俊

渾源州續志

卷二

孝義

九

貢生

熊日昇

以上各四十石

從九

崔茂

貢生

程家麟

以上各三十石

舉人

程東陽

貢生

張吉祥

全白麟

監生

王子奇

以上各二十五石

貢生

陳玉壽二十二石

彭洳

師道傳

從九

王剛

監生

張文郁

以上各二十石

李沛

庠生

穆維岐

劉懷智

九從 劉必魁

廩貢 李佩棠

同知銜 栗國樞

九品 李鳳舞

庠生 顧天縱

九從 李温恭

以上各十五石

千總 耿瑞廷十二石

惕永長

貢生 田鶴年

九從 許棠

監生 陳璋

榮文章

庠生 姚鶴年

史文學

以上各十石

渾源州續志

卷二

孝義

十